

四庫全書

集部

欽定四庫全書

穀城山館集卷四

明 于慎行 撰

七言古詩

唐體樂府附

長安道

東出灞陵橋  
回望長安道  
烟花萬戶暖  
風輕羅綺千門  
明月曉漢家  
宮闕鬱岩峩  
碧閣珠樓倚  
絳霄丞相衣冠  
蒼玉佩將軍  
甲第赤欄橋  
平明內殿承  
顏色日晏朝迴

行紫陌夾道金羈赭汗流盈門繡轄朱塵塞人生得意  
自輝光刺謁紛紜滿路旁一笑看人回祿命片言酬客  
腐肝腸小子勝衣皆受印蒼頭結綬亦為郎貔虎三千  
陳列第鴛鴦七十閉東廂銀牀月瑩流蘇帳翠幙烟浮  
玳瑁梁鐙前北里千金舞座上宜城九醞觴年去年來  
無旦暮春花秋月依然度歌吹平連長樂鐘林園直接  
新豐樹祇知娛樂不知憂轉眼榮華逐水流誰道冰山  
可永峙誰言天雨可重收曾聞上將幽鍾室曾見元公

賜養牛博陸門前羅鳥雀平津邸內走鼪鼯古來世事  
渾如許道上垂楊不解語唯有東陵舊日侯瓜田看盡  
青門雨

將進酒

君不見洛陽城東桃李花暮時紅雨早時霞又不見瑤  
臺素月飛銀闕三五蟾光四五缺人生行樂不須愁富  
貴豪華電露流昔時鼎盛五侯里今時零落成荒丘長  
安貴人眼中數規名規利何太苦日中走馬平津第絳

塵拂衣汗成雨白衣蒼狗在須臾雷公駢鉤震下土揚  
雄寂寞默守玄賈誼太息將安補青玉案紫霞盃與君  
沽酒臨高臺烹龍魚鳳白日暮清歌妙舞香風來朝不  
從騏驎遊暮不從黃鵠棲浮名碌碌果何有天地於我  
如醯雞茫茫吹萬同一吹曾史桀跖皆電滅君今少壯  
復不飲坐使紅顏鏡中歇紅顏銷歇奈爾何華髮蕭蕭  
日以多直須枕藉盃中酒莫問浮沉海上波

平山高

巫山高高不可極十二芙蓉入天碧  
楚王館前暮雨飛  
流烟凝翠濕仙衣  
蘭詞半吐卷衣去  
渺渺行雲不知處  
日高枕上聽猿聲  
惆悵高唐夢不成

有所思

有所思乃在蕭關道  
玉井蒼苔歲月深  
門前細路生春草  
春草如烟秋月缺  
路遠魂飛不可越  
祇聽關山笛裏聲  
登樓曠望肝腸絕  
東來有鳥正西飛  
願寄一書到海涯  
鳥辭天長去不反  
藏書懷袖衣帶緩

戰城南

去年戰龍城南今年戰烏丸北海門半夜風雨聲島嶼  
微茫天地黑邊營嗷嗷新鬼號頭顱亂落芙蓉刀平明  
幕府歌鐘起白壁黃金北斗高夷奴垂鞭出海嶠回首  
遼陽馬上笑可憐膏血滿野塗異方飽死原上烏至今  
愁望零支道白草寒霜萬骨枯

朱鷺篇

昆明池水金堤曲朱鷺飛來春草綠紅樓紫殿度香風

片片丹霞水上宿王孫蘇合作彈丸飛落碧空池水寒  
網絲漠漠如烟織斂翅衰回不可即朱鷺朱鷺何紛紛  
避人引子叫入雲刻畫白頭人不識海邊笑殺素衣羣

輕薄篇

長安九陌花初發細馬輕車看不歇五陵少年遊冶郎  
開顏發艷朝日光珠牕繡網烟如織明月樓中夜吹笛  
雙燕西飛底不知銜泥飛出碧梧枝

烏夜啼



金陵城頭秋月深城烏夜半啼高林閨中思婦挑紅燭  
斜倚寒牕聽不足低鬟無語濕羅衣起視明星河漢微

賈客樂

廣陵賈子江東客大艑珂莪倚江側朱樓繡箔月如霜  
醉臥壚頭小玉牀五更解船大江去鼉浪鯨風何處住  
洞庭秋水接天來五兩成林夜半開西登三峽立百丈  
灑瀨如牛不得上環環布帆欲退飛猿鳴一聲淚沾衣  
錢刀睹快狎風色歸來金多頭已白同時隴上飯牛子

睡起烟臯夜吹笛

大堤曲

大堤春盡花成雨大堤女兒隔花語揚州估客四角幡  
暮泊蘭橈宿江渚芙蓉寶幃綠雲鬟翠簾銀缸夜色寒  
倚瑟當壚春酒盡卷帷望月曉裝殘石城一曲歌未足  
日出天空江水綠含啼送客更多愁腸斷烟波萬里秋

對酒行送朱廷評可大左遷汝州別駕

朱君朱君為我楚舞我為君歌金尊綠酒春風過天長

道遠可奈何爾不能汎汎與鳧俱上下一朝海水生白波  
我今送爾萬里長河道歌聲一闋令人老上有悲鳴噉  
噉離羣嘯匹之春鴻下有萋萋斷腸草斷腸西去思悠  
悠洛水齊山兩地愁平生不作兒女態今日為君雙涕  
流朱君朱君與爾登高丘望遠海茫茫塵世不知年秦  
皇漢武今安在天生豪雋必有用如君自是人間才縱  
然落魄江海上浮雲於我何有哉朱君朱君爾今且飲  
三百杯

行路難送可大

典我千金裘共醉千鍾酒何處正愁人月落青門柳長  
跪問行子君今何所之海風五六月豈是客遊時北上  
太行坂羊腸詰曲何時返南去渡長河津梁隔闕生風  
波蛟龍出遊雲雨多雷公砰訇奈若何行路難難未已  
何當與子浮滄溟一掛長風三萬里

白馬篇送可大

白馬黃金羈蹀躞溝水頭君今且莫去為我暫淹留昔

我束髮年與子同出入幸承明主恩並列金閨籍行彼  
長安途宛如雙飛翼自謂連行兩不離豈知一旦成分  
析我棲東海岸君去洛陽遊天津橋下水不盡古今愁  
陸機名高翻見妬賈生胡遭絳灌仇人心對面如山海  
世情交道何悠悠丈夫得意自有數豈能與蜉蝣翠羽  
楚楚爭春秋為君笑盡一杯酒彈劍悲歌醉未休

明妃曲送可大

妾本名家子十五顏如玉羅綺閉重閨羞道黃金屋君

王選秀色早歲入深宮三年不召見憔悴泣春紅同時  
入宮人一一錦屏中芳顏自倚能傾國肯學他家買畫  
工祇憐寂寞深宮裏不道風塵邊塞起君王一顧不可  
留蛾眉遠嫁三千里紅頰兩行啼邊城草色萋今宵胡  
地月昨夜漢宮雞漢宮桃李春如雪此時絨怨辭丹闕  
但使君心悟畫圖不惜龍沙愁夜月

鳴鴈行寄趙潑陽年兄南粵

鳴鴈發雲中羽翮摩天舉何意長風來吹向瀟湘渚連

行接翼不忍分忽然散落如風雨洞庭波寒木葉稀霜  
空嘹唳常苦饑迢迢故國日已非聞弦虛驚使我歎今  
復彈射將安歸不及銜泥雙燕飛金牕繡戶春日微一  
為鳴鴈行三嘆沾人衣

江南曲

蕭蕭烟雨秋江口兩岸青旗拂細柳估客初迴錦纜舟  
妖姬正熟銀槽酒珠樓宛轉畫橋東油壁輕舟綺繡中  
桃葉江前對明月莫愁湖上起西風繁華莫唱江南曲

吳宮舊草茫茫綠

關山月

隴頭流水何年別  
戍客辭家心欲絕  
橫笛寒吹塞上聲  
春閨近對關前月  
如花小婦翠眉低  
覽鏡愁生玉面啼  
十年征戍音塵斷  
不得雲中半紙題  
織成錦字空自嘆  
槭愁那到玉門西

行行且遊獵篇為于子冲賦

漁陽九月陣雲黑  
使君叱撥桃花色  
酒酣弄轡意氣豪



呼鷹出獵燕然側黃間欲挽倚寶刀銀鏑飛過雙青骹  
千羣玄鹿大如兕排風跛地走且號日斜勒馬原上立  
蕭條狐兔無遺迹書生自學萬人敵為君却掃陰山北

洛陽道

漢宮烏啼天欲曉平明試馬東城道銀鞍玉勒五花驄  
十八承恩拜侍中春寒花滿披香殿溫室璇房夜開宴  
呼盧一擲賜錦袍百和輕烟經宿散君不見咸陽三月  
花如雨卷衣淚落秦宮女

采蓮曲

芙蓉江上秋風烈采蓮少女沙棠檝紅顏耀日總疑花  
翠袖凌烟渾勝葉月高船重花欲稀漸聽花間笑語微  
停橈忽憶巴陵道悵望烟波涕滿衣

上雲樂

東廂食舉百戲作魚龍曼衍中堂落華鍾忽駐舞綴停  
更進西方上雲樂老胡家世是文康紫髯深目華蓋方  
白巾裹頭火浣細綠珠作帶韎鞞長曾從海上栽若木

吹笙更截崑崙竹朝看阿母鬢成霜夕見安期顏似玉  
却候明時日再中謁來獻賚玉門東流沙幕涉三萬里  
碣石天開百二重辟邪師子陳成列赴曲聲隨簫鼓節  
漢苑白麟未足珍宛城寶馬空稱絕白題歌舞奏仙倡  
為祝黃圖日月長但願百蠻九塞靖烽火陛下長傾萬  
歲觴

杯槃舞歌

吹簫簫考鼉鼓四座停酌看槃舞七槃宛轉一七舉左

翻右覆勢如取九日落天星作雨晦明滅沒不可覩觀  
者疊迹色怖沮跳丸弄劍安足數夜長酒多絃管清收  
槃按節作緩聲月高露下天宇平向來巧拙虛無形

鳳臺曲

未央宮前桃李花柳枝烟裊御陌斜貴主初臨萬年館  
小侯新試七香車香車繡幃開長樂十里天街鋪錦箔  
臺上乘鸞白管簫樓頭走馬黃金絡賜衣分得御袍香  
寶玦珊瑚佩帶長朝遊歌管金張第暮入風流趙李塲

君不見隴西老將頭白盡百戰不博通侯印

閣試征西將軍出塞歌

榆關九月寒風早玄霜已白邊城草敵騎朝侵敕勒營  
將軍夜出祁連道關山曉月度龍沙馬上芙蓉吐劍花  
連營畫地傳刁斗十萬軍聲靜不譁期門少年健如虎  
束髮從軍思報主畫角寒銷玉塞雲鐵衣冷拂金城雨  
援枹執鼓何雄哉笑看樓蘭動地來合圍瀚海渾無敵  
轉戰臯蘭未肯迴紫駟汗血歸來後肘背黃金大如斗

胡牀坐解月支頭  
割鮮笑醕蒲萄酒  
酒泉亭障接烏孫  
輜重如山入塞門  
五雲闕下報天子  
萬里封侯安足論

館課沙隄行

漢家宮闕五雲裏  
複道連綿正相倚  
建禮門前綺陌開  
銅龍樓下沙隄起  
沙隄迤靡屬東城  
十里宮槐綠影橫  
街官問吏傳呼過  
隄上隄下人不行  
黃麻早下平津閣  
萬玉班高元宰爵  
華轂遙從天上来  
沙隄半自雲中落  
滄海桑田事未真  
人間富貴等流塵  
只言避世金門客

曾見沙隄幾度新

題桃川圖贈鍊師張子故西苑方士也

我歌桃川圖舊識桃源客骨青髮短雙頰紅十年賣藥  
長安陌自言本是武陵人花落花開不記春姓名偶被  
先皇識選列仙官侍紫宸紫宸宮閣天中起西苑繁華  
如夢裏銅盤百尺落秋空綺幕千門照流水祠壇隊隊  
羽衣羣鶴蓋霓裳擁聖君黃金白壁年年賜豹髓鷹膏  
夜夜焚當時等輩俱光采箕袋袞衫揖上宰曾窺阿母

降瑤臺更訪安期入東海海上重來鬢已秋鼎湖龍去  
水空流夾城輦路多青草別殿宮官半白頭承恩舊侶  
知何處聞逐雲中雞犬去惟餘野跡走風塵却憶桃花  
源裏住我聞此語涕沾膺世事從來不可憑君今莫說  
丹砂事松栢蕭蕭冷茂陵

贈鄔秀才汝翼

白頭自如新傾蓋自如故西風蕭索朔鴈號江南老生  
來何暮我聞吳楚之間多大雅布衣往往稱作者才情



不復論三唐直薄西京接枚馬君乎君乎何壯哉握筆  
一掃傾羣材淒風寒迸金石裂長濤怒激天地迴眼前  
浮沉那足數文章有真心自苦胡為乎敝裘零落雙眼  
白一夜商歌淚如雨我為歌一闋君為盡一杯白雪誰  
憐楚客調黃金空築燕王臺看君落魄今何似古來才  
人亦如此莫言得意自有時人生所貴成名耳

送業師黃東野先生左遷衛輝郡博

漁陽城下多秋草漁陽城頭秋月曉涼風颯颯吹客心

驅車遠下三河道三河地接太行秋倚劒悲鳴田紫騮  
滿堂擊筑吾不樂黯淡胡為賦遠遊先生落落閩中彥  
束髮牀頭開萬卷賦成盡擬似相如待詔金門不召見  
明光宮裏落雙鳧握綬江城興不孤推轂難逢北海薦  
抱經却授西河徒青氊莫道成蕭索博士古來官不薄  
買駿終歸郭隗臺登龍本出孫弘閣垂髻舊日魯諸生  
負笈從遊濟北城十年不立門前雪望斷江南萬里程  
薊門烟樹今何夕白露滿庭空水碧一尊相對夜色寒

挑盡青燈話夙昔長歌忽漫是離筵  
不盡浮雲黯遠天  
淇園到日應相憶萬竹寒聲沸百泉

彈鋏歌為鄆樊生賦

君家閨閔高東魯亦近樊城傳舊土  
兩朝八座祖與孫  
後代簪纓仍接武爾亦翩翩帝里遊  
茱萸錦帶鸕鷀裘  
紫雲闕下彈雙鋏來向朱門傅小侯  
朱門修巷臨長道  
翠閣瓊樓相映好明月時聞內苑笙  
春風日躡芳隄草  
高堂上客號三千俠少風流獨迥然  
關雞南陌爭金距

走馬東城揖玉鞭相逢斗酒多傾倒胡姬壚頭天未曉  
汾陽甲第貴盈門那作樵漁空自老薊門春盡雨茫茫  
汶水梁山路阻長錦衣歸向橋邊過不是青絲馬上郎

荆門歌送沈澄川太史奉使楚藩

荆門望望渺何許橫跨三巴控三楚高臺落日大王風  
明月空江帝子渚侍臣持節下蓬萊三楚豪遊意壯哉  
銀扉朱邸江邊峙玉檢金泥闕下開青門柳枝日未午  
胡姬壓酒當花塢聚散渾如陌上雲別離苦恨尊前雨

驛樓官樹潞河西七十長亭路不迷贈客幾投青玉案  
當歌一聽白銅鞮南登即向巴陵道苦竹香楓相映好  
旆指芙蓉澤畔花槎凌鸚鵡洲邊草蘭臺仙館白雲秋  
飛蓋爭隨上客遊應教非同靈運賦懷鄉不上仲宣樓  
嗟君聲名何焯煜彩筆驚人珠萬斛論道三年侍石渠  
校書乙夜開天祿長安春色正霏微侍從翩翩滿禁扉  
早看方朔歸金馬莫學相如戀錦衣

夜郎歌送賈諫議德修奉使黔中臨問屬夷酋

長

燕城客舍經春草落花如雪閒不掃故人忽作夜郎行  
離心溝水長安道與君追逐競高蹤翩翩矯若雙飛龍  
春風共載承明筆曉月同趨長樂鐘嗟君風度何磊磊  
夙昔大名滿東海千言倚馬疾如飛賦成四座騰光彩  
一列金閨法從班朝朝鳴玉侍天顏牽裾折檻偶然事  
諫草琅琅動九關夜郎越雋天南土萬里夷荒開幕府  
倚劒秋迴七澤雲掛帆夜渡三湘雨天書遠向百蠻開

辮髮番君夾道來嘯咤風雷震山嶽白日罔兩何有哉  
金杯紅燭月鳴杵酌酒與君對君語區區離合安足陳  
懷抱平生吾與汝春晴日觀轉愁予十二河山錦不如  
莫詫故林偏得到吾將走馬深崑居

白將軍歌為吉軒令君賦

君不見關西故將五陵豪束髮從軍受六韜蓮花玉劔  
浮雲騎橫擊陰山寨月高又不見五雲樓閣春窈窕射  
策彤庭海日曉碧衣行盡長安陌玉勒銀鞍弄驪裒君

家甲第隴雲東文武家聲霄漢通已看彩鳳鳴秦苑早  
見仙鳧出漢宮三年試政齊城宰萬樹名花何卷藹函  
開却望紫氣深姑射山中春未改將軍矍鑠狀如何七  
十猶能擊缶歌廉頗善飯英風在馬援凭鞍壯志多封  
侯萬戶吾何有庭種芳蘭門種柳結束還徵俠少遊十  
千一醉新豐酒齊城東去是三山弱水蓬萊路不艱郎  
君跪乞長生藥為駐仙人千歲顏吾聞黃河東來三萬  
里橫亘榆關天際起將軍世澤亦如此纍纍肘後何足



比

投筆歌送侯兄上清浪叅將

昔年謁告黃山側西風送爾遊京國  
我來昨日入明光送爾南登古夜郎  
相逢相送何其迫踟躕溝水令心傷  
翩翩爾自佳公子丞相勲名在國史  
中丞踔躒本如龍汗血神駒更千里  
關西老將力不如魯國諸生名大起  
十年不售昭王臺轅下長鳴泣未已  
爾時投筆大昂藏仗劔悲歌去故鄉  
兩臂常開十石弩千金笑入五陵場

橫行直貫單于幕手縛樓煩紫塞旁六驂已遁一騎返  
雪花如席高雲黃馬首血懸月氏器小婦壚頭索酒嘗  
赤囊一日奏闕下錦鞞飛塵朝建章三十男兒好身手  
腰懸兩綬黃金璫旄頭已落胡天久郅支呼韓同稽首  
不聞天子獵長楊却召將軍屯細柳西南未罷伏波軍  
都護金章大如斗生年自有封侯骨彈鋏長歌勸君酒  
長歌未已涕沾裳客子浮雲各一方兩甥牽裾啼不去  
一雙白壁騰精光大者日受三四卷小者學語聲琅琅

顧我猶多離別嘆，憐君不作兒女腸。吁嗟乎桂水橫烟，  
不可迫流入牂牁。天地坼湘潭七十五，長亭羨爾今為  
萬里客。旌節遙連銅柱陰，樓船直壓鯨波白。諸部蕃王  
伏道周，千羣將吏喧江澤。玄猿暝嘯跼鳶驚，正使豪遊  
壯心魄。春江瑤草綠可折，何當寄我長安陌。

送業師鄭舒軒先生署教海寧同子冲可大二  
君

薊門四月楊花白，丹鳳城南送行客。兩生擊筑酒欲闌，

先生默默不盡歡我今為歌行路難憶昔振鬪閩海濱  
才名踔絕無與倫腹中萬卷已成筭筆底千言若有神  
數竒不逢得意薦賦成誰念馬卿貧十年漢闕泥穿履  
幾度燕城桂作薪道傍明珠真按劍櫪上驂騮空絕塵  
長歌投袂出門去江上聊開絳帳春絳帳青氈殊不惡  
東南山水堪遊樂千峯夕翠入講堂一枕夜潮浸郡郭  
東風桃李色方深秋雨芙蓉顏自若天生豪雋豈無心  
不合先生長落拓君不見會稽寒士西入秦公車不收

小吏嗔偶然懷中探尺綬黃金繫肘意氣新又不見新  
豐市中貫酒客寒賤時逢里媪謫一日忽承內殿宣青  
驄蹀躞生顏色人生得意自有時世事浮沈那可還  
看獨對彤庭問接迹夔龍集鳳池

聽琴篇呈李雪滄先生

雨鳴瀟瀟風滿壁虛堂孤坐春草夕何來兩客登我堂  
坐索瑤琴鼓前席吾家焦尾舊無絃世路逢人不解傳  
丈人錦囊出綠綺為我揮手松風前宮聲一曲試瀛洲

文物翩翩禁苑遊人間帝子銅龍館海上仙人絳玉樓  
倏忽涼飈飄四屋新聲轉作瀟湘曲沙清石碧江水寒  
月明叫入汀洲宿絃悲調急聲轉微滿堂擊節淚沾衣  
幽蘭白雪何要眇此意世人知者稀丈人自是賢豪客  
橫琴呼酒雙眼白借我朱絃三尺強試理清商入蕭索

匡廬山人歌寄胡少白文學

廬山之高高入天孤峯秀出真青蓮峰懸石鏡何年影  
照盡彭湖三萬頃平開雙闕赤霞浮翠嶂丹厓萬木秋

飛濤倒瀉銀河水灑入長江九派流青山亦不摧流水  
亦不絕謝公行處空雲烟東林舊跡莓苔滅豫章胡生  
才且雄匣中玉劍雙飛龍拂衣欲出人間世走臥匡廬  
第一峯香爐雲氣飄山閣明滅千巖與萬壑雨急朝聞  
嶺上猿月寒夜聽江臯鶴有時結束帝城游俠骨常輕  
萬戶侯上書北闕不待報笑臥胡姬舊酒樓壚頭日高  
金管歇楊花茫茫春雨雪此時彈劍却歸來脫帽長歌  
舞秋月胡生胡生無與倫心雄萬夫步絕塵英賢古乃

起屠釣何況儒術逢昌辰彭蠡為君腹瀑布為君口俯  
瞰洞庭波吸作一杯酒但欲澆爾胸中萬古之壘塊風  
塵蹶躓吾何有胡生胡生何時與爾同上匡廬巔足躡  
星虹禮南斗

贈于子沖大叅請急南旋

長安城頭秋雨繁長安城下雙朱轡去年忽向洛陽道  
今年却入長安門誰道分司非達宦誰言朝請不承恩  
行邊慣試渥洼馬到闕仍依白虎旂憶昨匈奴入邊塞



隴坂以西殺氣昏右方王將旃廬滿北地烟塵士女奔  
元臣廟畧馳三殿上將戎軒歷五原青海幾經傳尺檄  
玉關依舊有遊魂翻令蠻府提鋒銳欲掃干戈靜塞垣  
謝公談笑亦何易賈生流涕亦太煩競說請纓臨瀚海  
爭言倚劔出崑崙爾曹落落不入眼此事悠悠誰與論  
我今但欲拂衣去斗酒悲歌意氣存看君四十頭未白  
勉加餐食無多言

壽李北山先生八十

君不見扶桑之下一杯水一峯突出三千里其北有濟  
西有濮當代詞壇宗二李濟南修文地府深濮陽垂老  
臥空林同時已抱千秋恨異調俱稱大雅音江淮當日  
嗟流落尚璽先朝官不薄雙袖天風逐鳥還一竿秋水  
知魚樂至人遺形在杜機如翁達生識者稀不從北闕  
懷簪紱不向西山采薜薇安期大藥欺人久石家金谷  
誰能守有田但種東陵瓜有錢但買宜城酒只今號作  
北山人素髮丹顏八十春躡屐當間青玉杖呼盧時側

紫綸巾半酣擊缶耳稍熟笑擁如花歌未歇洛陽七貴  
眼中塵長安五陵原上月天道有盈日有虛得名得壽  
福已餘璇閨况繼中郎業金匱還傳太史書中郎太史  
亦爾爾君家柱下差足擬請為小著五千文藏在白雲  
封中石闕底

穀城山館集卷四

欽定四庫全書

集部

穀城山館集卷六

詳校官中書臣沈鳳輝

侍讀臣孫球覆勘

總校官中書臣朱 鈐

校對官中書臣潘奕萬

謄錄監生臣陳大初

謄錄監生臣徐 莊

欽定四庫全書

穀城山館集卷五

明 于慎行 撰

七言古詩

商丘沈封君畫竹歌

梁王修竹不可識，千秋草合平臺迹。  
平臺主人墨君友，掃出檀栳一千尺。  
醉瀟淋漓幅素看，枝枝蒨翠若可餐。  
筆端乍覺烟雲繞，堂上時驚風雨寒。  
寒聲槭瑟生綃起。

如在湘江秋色裏湖州以後稱太常此幅神真良足擬  
主人種竹舊成林千里提封自作陰蟠根出地成龍骨  
勁節凌霄引鳳吟高堂日遠悲風木手澤淒涼餘半幅  
他日尚書閣上圖應寫平臺萬竿綠

壽臨邑邢封君七十長歌

邢翁濟北之名族世代門庭羅繡轂長公諫草青蒲伏  
羣從咸登天府錄翁獨脩然在巖谷芝房蘿壁薜荔服  
牛角掛經眠抱犢學儒不干五斗祿種田往往皆成玉

瑤環瑜珥多如簇一枝炯炯先出積名都十五不敢贖  
天風吹作華林木走馬春城十二街雕龍翠殿三千牘  
少年出宰稱民牧召入文昌錦被襍白簡緜囊臨仗讀  
雲夢汪洋舟萬斛長風直下千里速姓名已在金甌覆  
方底詔函馳半幅玉繩蘭檢何熠煜翁冠柱後衣錦殼  
行年七十方瞳綠出門柴車聲軋軋季方持杖元方僕  
齊眉仙姥膺多福閩苑春開阿母桃渭川日長封君竹  
山中八月酒新熟玉盤琥珀四座馥松枝自煮石溪菽

珠履滿堂綺障促千金稱壽起相屬參差玉管間琴筑  
主人浮白自捧腹生事惟餘陶令杯年華不問君平卜  
我家鄉邑不朝宿郎君舊誼敦羔鷞寒予抱拙長碌碌  
彈鋏歸來頭不沐仙問東望地可縮緘詞且效如川祝

代作朱憲使雙壽長歌

嶽崧大伾山西遮黎陽口白馬遙盤匏子隄黃河如帶  
東南走東南萬里入蓬瀛轂轉雷奔大壑驚長淮一瀉  
不知歲至今惟見山崢嶸山上丹厓合翠谷別有日月



非塵俗問言誰向此中隱西臺使君茅作屋使君早日  
客長安襍被香分畫省蘭兵符一領遼海震戎軒再駕  
朔漠寒閒心舊愛春山蕨忽解緋衫辭帝闕黎陽一臥  
幾經年醉弄大伾山上月山月沉沉吐玉樓綠蘿飛花  
碧草秋有時更涉滄洲趣釣艇煙蓑對白頭松間鼓琴  
俯流水猿鶴夜聲清心耳少年記作金閨遊一經又見  
金閨起珠袍錦帶開舊篋走馬曲江春色裏只今花樹滿  
河陽亦有槐陰如市里使君年歲七十強紅顏玉骨何

昂藏郎君自獻南山曲戲取宮袍作舞裳齊眉玉案雙  
尊酒矍然又覩西王母雕盤綺食羅秋堂鳳簫象管無  
不有仙家縹緲六鰲峯五城樓臺春氣濃大伾如塊河  
如一杯水使君笑挾兩茅龍

寄送賈石葵大卿之任南都

昨夜南山射獵歸松窓醉臥星露微五更烏啼窓月白  
酒醒夢見長安客平明廐吏來相聞為見春帆駐浦雲  
春帆信宿不知處建業澄江杳然去緘書送君江水長

此時脈脈空斷腸

岱西山人歌壽何吏部敬菴

君不見岱宗之山海上起雲霞沃宕三千里七十二峯  
峯挿天西支半落清河水山川回合勢連綿靈氣應鍾  
不世賢大名誰者齊北斗岱西山人行地仙山人舊隱  
雙龍闕左省含香陪上列共道詩名水部傳更聞啓事  
山公絕一時流品入陶甄簡要清通世所珍三十朱輪  
行寶陌衣香風動洛陽塵素心忽憶棲巖谷解組歸來

雙鬢綠玉樹多從院宇生  
蘭房近傍煙雲築  
山人修脩六十餘  
頰顏綽約玉不如  
載酒時遊廣里月  
垂竿閒釣錦川魚  
石間有伴食瑤草  
玉几金牀春色曉  
人間已自有蓬瀛  
何人更說蓬瀛好  
為翁亢節歌欲長  
瓊卮起壽春茫茫  
泰山若礪海水竭  
大年不凋齊日月

大伾山亭圖歌為朱令君賦

誰持一幅綃掃作千林碧  
竒峯率律浮煙空  
秀色橫分白馬跡  
山下草堂瞰古城  
百花潭水飛春英  
長楊翠栢

蔽雲日靜聽似聞風雨聲亦有高臺臨灌莽岌嶷百尺  
浮雲上何人月夜舒長嘯一聲遙和竹林響臺下悠悠  
河水來亂帆東去接天迴青山一片明湖裏翠黛光搖  
寶鏡開春風滿巖杏花裂光中乍見輕煙滅赭如赤城  
霞皎若天山雪修竹檀藥碧萬竿清風瑟瑟動庭蘭了  
然瀟湘色對此心神寒西北一畝丘厥形如負局仙人  
對奕揮素手華山幾更春草綠我披此圖開心顏一時  
坐我煙霞間恍如身到輞川曲目中已自無塵寰又似

桃花源裏去碧流紅雨不知處  
黎陽仙翁聖代英欲臥  
滄浪絕世名一朝解紱謝天子  
杳然自寫丹青裏有子  
重看上苑花河陽萬樹還相似  
仙翁可望不可親繪為  
此圖傳世人真遊莫訝人間少  
方丈蓬萊別有春

桃花嶺圖歌壽太宰楊夢山先生

長安三月煙如織上苑桃花看不極  
主人舊是武陵人  
別有春林千樹色千樹萬樹玉嶺賒  
爛漫風前十里花  
細纈半含仙掌露繁枝齊吐赤城霞  
主人數椽築洞口

手植城堤幾十畝，  
笛裏香分畫閣梅。  
樓頭艷拂金隄柳，  
花間漉酒醉朱顏。  
石几松牀自閉關，  
不遣紅塵來陌上。  
惟容流水到人間，  
只道林中聊可住。  
芳菲又滿咸陽路，  
掃盡玄都觀裏泥。  
栽成濯錦江頭樹，  
還將幅素寫花源。  
半染山光半水痕，  
拂拭自疑真境近。  
不知春色在公門，  
君不見度索山前花。  
落晚千年一結條，  
支卯東方先生太苦饑。  
噉餘半核如金椀，  
又不見仙人子晉邀五城。  
白鶴朝驂海上行，  
縱山瞥見花成雨。  
沈醉吹殘月夜笙，  
主

人亦住三山島瑤池仙種分來早花開幾度笙幾曲日  
上扶桑春未老

兔行為子沖賦

漁陽大使齊大俠行邊數奏甘泉捷千金飽士士欲死  
領向狐奴山下獵黃榆九月號北風雙鞬怒馬如盤空弓  
影向天毛羽落弦聲撒地霜草紅綠眼健兒馬前走血  
懸兩兔鏹貫首傳火無煩玉鼎調擘肩未假鸞刀剖鴟  
夷吐酒復不住月氏漆器在左手酒酣握槊還大叫笑



謂魯生爾能否沙頭月出燕雲黑枕藉相看頭不憤平  
生肝膽向誰傾說著世人雙眼白羽獵虛隨卜祝羣詞  
人亦自樹功勳試問隴西李都尉雄材肯數霍將軍

武定侯墓歌

長安城西銷客魂故侯墓前雙石門空梁無風蠨蛸掛  
高臺不夜鼯鼠奔行歌牧豎上隴首守冢老兵眠樹根  
道傍徙倚長歎息千古此意誰與論當時貴寵真無匹  
勢倚青天迴白日驂乘親陪別苑遊行香日侍齋宮直

元公鐵券大國封都護金章新樣刻玉鞭蹀躞內廐馬  
雕盤絡繹尚方食權相交驪亦掃門徹侯受酒咸避席  
此時意氣薄青雲睨笑看人寵辱分負郭園池田太尉  
重城甲第霍將軍求仙偏訪燒鉛客亡命多歸帶劔羣  
曲閣重樓春自駐繁絃急管日初曛自言富貴無銷歇  
爭見桑田海亦竭未央宮前請室開咸陽道上車塵絕  
閒門行馬臥莓苔舊館孳恩藏雨雪只今尺土閉空原  
歲歲春啼杜宇血吁嗟嗟世皇二寵傾朝廷前有武定

後咸寧福過俱為萬人指法行再見七廟靈人間榮悴  
咸可數古來金谷與鄆塢前車已卻後車馳請君但看  
北邙土

雙林寺歌

道旁佛宮誰者築珠樓寶殿橫山麓僧徒指點為予說  
此寺方成主人逐憶昨十載薰天吐納日月揮雲煙  
外廷稍引三公勢內禁親操六璽權出入鈎陳留筦鑰  
笑談甲觀走金蟬建寺平侵貴主第施僧直請大官錢

輸來多寶堆成塔輦盡黃金布作田  
法官梵宇何連曼  
勝地名區看不斷墓上林園學九陵  
祠前樓閣成雙觀  
落成牛酒國親供建醮香花天女獻  
吁嗟此寺歎渺小  
赤刀已欲盈千萬我皇神威符世祖  
距脫大奸俯地取  
郭家金穴入水衡鄧氏銅山歸少府  
廬兒解玉乞街衢  
宅婦懷簪隨卒虜惟餘此寺在郊原  
虹梁綺構誰為主  
蛛網空懸梵鐸風青苔自鎖瑤琅雨  
盛衰轉盼那不有  
幾年翻覆看如許君不見江陵城頭土  
三尺若教餒鬼

不來食一代賢豪此謂何爾全首領恩亦極

燕子磯歌呈李崇軒宮諭

大江西來萬里白建業青山兩岸劃山根片石鑿不斷  
斗入江流數千尺我來掃石上高空直躡忽恍開鴻濛  
回濤細鬣驚鸞嶺懸厓倒瞰鼉鼉宮魂搖骨慄不得語  
銜杯邈望蒹葭渚蕭蕭木葉滿江流却是千帆萬帆雨  
雨餘返照江水紅赤城吐色江水中須臾海月東山出  
睡龍欲動金波溢水晶為盤玉鏡開秋光寒瀉玻璃臺

客懷跌宕不可奈散髮呼酒天風來西望采石若可挈  
長江之水亦應裂君家供奉去幾時不見今時江上月

獵兔歌

南山獵兔如獵虎萬騎合圍書伐鼓壯士齊關十石弧  
王孫自撥千鈞弩兔走入窟窟草平長林落日謹人聲  
銛戟利劍不得刺汗流跼足空屏營君不見北山老翁  
手握矢臂解一鶻狡兔死

賣珠行

長安有賣珠老嫗故侯侍兒也  
能道興衰憫然有感作賣珠行

賣珠老婦髮半白提筐日走宮城陌徧謁朱門不得休  
斜倚道旁長歎息自言本是綠珠儔夫婿先朝萬戶侯  
錦衣夜直銅龍闕畫棟朝開碧玉樓爾時秀色新承選  
二八娉婷集內館小閣微風倚翠屏閒房落月調金管  
羅衣寶靨不勝春十斛明珠掌上新只言華屋長如海  
不道滄溟亦作塵當時世事一朝變郿塢黃金實內殿  
劔履三千帳下空駕鶴七十池邊散前年曾向舊門過  
新主承恩驟玉珂今年又望門前道行馬半殘生綠草

繁華憔悴看如昨覆雨翻雲何閃爍橋上年年閱水流  
宮前歲歲看花落我聞此語涕沾裳世事悠悠不可量  
祇應漢代麒麟閣千古名垂日月光

雙桂行壽宜興蔣郡丞

堂前雙桂樹堂上雙樽酒太湖一曲住者誰淮南秋色  
落君手使君瀟灑豪且賢東方千騎何翩翩一日上書  
拋紫綬走種陽羨山間田山田種秫收不薄荆溪如畫  
堪行樂桂花已見湖上開桂子還聞月中落月中清影



碧天秋花下斑衣對白頭陶令歸來渾是醉徐卿老去  
百無憂不見玄都觀裏桃不見灞陵橋畔柳桃花吹作  
素衣塵柳色歌殘行客口誰能向桂花樹下日陶然萬  
斛天香近酒邊燕山五枝君不羨蔣家三徑益可傳

招山人歌

城中山人常苦多山中山人常苦少我來杖策入山中  
山人門外迹如掃聞道長安方大索髡鉗赭盡荷衣色  
今朝司隸獄中書昨日平津座上客大國并容何事無

防川防口無乃渝山人有山歸亦得慎莫出走越與胡  
亭山洞歌上周師七十生辰

岱宗西來未了青結作秀山山似亭亭坳石洞何窈窕  
千峯萬峯羅作屏山翁少時隱山麓數椽桃花源上屋  
鷓冠凭几暮雲生牛角掛經春雨足偶然隨牒入燕城  
博士驚傳墨綬榮赤縣郎官原應宿蘭臺循吏早書名  
人間月旦吾何有那能折腰為五斗拋却河陽縣裏花  
歸來彭澤門前柳山中回首隔風塵綠髮方瞳白袷巾

煙霞半結遊仙侶  
弧矢還逢獻壽辰  
此時涼颼入戶牖  
華軒松桂參差茂  
有孫能采澤宮芹  
有兒能致宜城酒  
銀河耿耿月上鉤  
座客誰者飛觥籌  
同遊門巷多蒼蘚  
舊學生徒已白頭  
請翁拍浮莫辭滿  
人生七十古亦鮮  
試探洞裏玉函書  
海水何時復清淺

甲午五月朱可大自江右來訪相見喜極對酒

放歌

別君春花落思君春鳥啼  
春風吹遠夢夜夜到湖西  
只

言尺素迷江樹不道隔年即相遇元方執御季常隨德  
星應卜賢人聚攬衣出迎雨滿衣秉燭相看暑氣微炎  
天命駕三千里如此交情古亦稀笑殺山陰一夜舟笑  
殺平原十日酒把杯脫帽雙眼白放歌大叫無不有與  
君譬如雙吳鉤神精會合自有由與君譬如雙飛燕差  
池羽翼時相見莫將逐客當沈淪自是江湖合有人試  
觀青海營中月試望長安陌上塵羨君紅顏髮盈幘我  
已如霜鏡中白回頭三五少年時半百光陰如過客赤

繩繫日那得還長鯨吸海幾時乾  
燈前起舞勸君酒何處含情可盡歡

雪中登樓看山歌

月中看山不辨色雪中看山不辨影  
闌前九疊錦屏張一時幻作虛無境  
蒼茫顛氣萬里通輕瓊冷絮飄鴻濛  
閭浮幾許還遭劫色界由來總是空  
憶昨築樓對城缺本為看山亦看雪  
那令有雪却無山倚樓滿目成寥泐  
山亦非真無雪亦非常有自顧夢覺身  
至竟誰為偶此

時欲說已忘言拍闌且盡杯中酒

雪後登樓看山歌

昨朝飛雪滿大荒登樓四顧天茫茫今朝登樓禁不得  
吾與青山頭並白筠牀呼酒晶宇開瑤華積作中天臺  
對山遙勸一杯酒平生與君為素友君今頭白青有時  
奈何吾鬢真成絲

雪中菊花小歌

去年九月雪雨集菊花吐向雪中泣今年十月菊始開

雪花又落黃金壘繁華何意同蕭瑟冷蓋疎枝一半白  
羅綺三千夢早春却將鉛粉妝佳色素影關山夜欲流  
寒香寂寞楚天秋不知陶令吟時醉正是袁安臥處愁  
籬邊吾亦憐吾友苦節貞心成素首試看東園桃李花  
霜前零落今何有

冬日送方胥成北遊臨邑訪邢子愿侍御一首  
黃石山頭雪未晴黃石山前送客行天寒歲暮白日駛  
北風獵獵吹冠纓看君殊少風塵色擊劒長歌雙眼白

少年曾慕五陵豪老去猶為萬里客只今躡屩遠行遊  
湖海茫茫路阻修舉世何人重詞賦布衣無策干王侯  
山中蕭條鮮所有解衣衣君勸君酒平生肝膽向誰盡  
但說邢公不離口邢公好士無與倫千金散盡家苦貧  
此時無忘還留趙何客馮驩可入秦君今又向犁丘去  
馬首殘陽明遠樹山頭望君酒欲醒相思併在君行處

遊蜀山湖歌示任城王甥季輔

昔聞鉅澤湖潏沆三百里自從中作宋公渠兩岸長虹



夾汶濟我家湖北纜扁舟佳近滄浪不解遊王郎亦住  
湖南曲攜我來探水國秋叩舷湖口渺然入洲渚縈回  
望不極荷芰殘花棹底分鷗鳧亂影帆前失波心宛在  
一丘懸直上蒼茫盡水天萬頃泓渟沈碧落千林黯淡  
入寒煙蕭然似欲來風雨感慨愁心弔千古秦皇片石  
有孤峯魯國荒臺無舊土玉甕春酒欲盡無沈醉煙波  
興未孤西風不過山陰道枉向君王乞鏡湖

九華山歌送施幼淳省元南還青陽省覲

九峯名九子幻作九蓮花去天不知尺有幾晴空片片  
飛丹霞南宮才子江東客筆帶九華峯頂色學書欲作  
萬人敵一日聲名傾上國青春謁帝入神京黃石尋師  
駐穀城經術遠宗燕太傅門墻半列魯諸生忽登泰岱  
看鄉陌望見江頭雲氣白愁心一夜渡淮陽不為蓴鱸  
秋興迫千里寧親願不違西風蕭瑟送將歸尊前落木  
渾成雨馬上微霜欲點衣為君長歌勸君酒便是別離  
未應久去日聊隨朔鴈飛來時莫在春鴻後玉樹青瑩

上苑栽君王正憶子虛材好將九朶芙蓉露瀉向仙人  
掌上開

歲暮送汪山人敬仲南還

寒風颯颯愁雲繁江南浮客來到門手出瑤華八百片  
雪花錯落飛瓊軒自言落魄無何有湖海豪遊成皓首  
竟陵學士座上賓新都司馬社中友燕南作客歲將闌  
彈鋏長歌道路難知公當代論風雅曾向人家卷裏看  
蓬門舊日不迎客為君拂拭凝塵席談詩靜夜一炬紅

呼酒高齋雙眼白送君南去及新春殘雪初消路少塵  
行到石城應早渡隔江桃葉喚歸人

平倭奏捷歌

去年都護大徵兵平壤島寇皆掃平今年司馬通和議  
蓋海鯨鯢不可制魚服十萬簸狂瀾千里腥風塞月寒  
不見降書來日窟空令獵火照辰韓吾皇按劍赫威怒  
獨運神謨懲往誤早傳制府鑿凶門更詔中丞開武庫  
材官負弩盡從征慷慨辭家志不平殺氣千尋飛沮水

軍聲一夜度龍城士馬驂驪誰復數青海原頭晝伐鼓  
轉旆橫捎樂浪雲洗兵半染夫餘土陸營三路勢已奔  
水營大隊赤雲屯弓刀蹙沸鮫犀裂戈甲搶攘日月昏  
小酋面縛大酋死屬國君臣歌燕喜羽書昨夜自東來  
直入甘泉報天子論功大發水衡財碣石關門日夜開  
符節星馳玄菟塞金繒山累白龍堆十年餽師三百萬  
今日方聞博一戰明王守禦在四夷屬國君臣爾莫玩

射覆謠戲作

郭舍人東方朔來前射覆相為樂謂此金盃中有何一  
蠕蟲不是蜥蜴亦非守宮中者賜帛不中城旦春舍人  
東方相顧睞哈此胡為來哉謂之為龍不能變化興雲  
雷謂之為蛇又不能委蛇蒲伏與世諧此何物也陛下  
幸發視必是一蝸牛身似有所負外又無所求不肯濡  
足惟願藏頭循牆而走面壁而修鐘鼓不能享鼎鑊不  
能謀左角大勝右角大敗未嘗知喜未嘗知憂蘧廬為  
天地混沌為春秋其覺如寐其生若休此有巢氏之裔

無腸子之儔與聖人拊掌笑是物安足收放之汙瀆中  
使從蛭蝻遊

日觀峯歌

岱嶽峯頭一片石天光杳杳連空碧我來夜掃石上雲  
未明看見海中日日出海東幾千里茫茫不辨雲與水  
天雞啁啾海上啼東方霞氣半邊紫忽然潑灑琉璃丹  
一泓捧出赤玉盤長繩斜挽不得上半時方到扶桑端  
扶桑枝葉成五色海水明滅一線白日旁雲氣如連山

目中欲識鮫人國平明日高海水乾滿天翕絕紅氣團  
三山金闕流安在六鰲背骨秋霜寒憶昔秦帝東封年  
欲浮白浪遊靈仙驅石作橋不可涉金支翠羽空西旋  
幾時得見海中出日三千丈脫屣妻子如浮煙眼前朱  
生信豪士側帽大斗石上眠我亦欲取巨石填東海揮  
戈且止義和鞭六龍不停日如矢仰天嗚嗚酒熱耳

泉林歌

雷澤萬頃波澎渤如萬馬陪尾鎮之不得溢釀為靈瀆



出其下洞門噴薄瀉飛泉沸珠迸玉聲潺湲天山雪花  
四月落片片吹上春衣寒清流可漱復可枕拍浮大白  
相對飲潭中石子成五色熒熒細濯巴江錦行盡回溪  
地轉偏疑是鏡湖春水旋深林蔽虧不見日但聞雜樹  
多鳴蟬樹裏泉聲百道重木根詰曲盤虬龍解衣羅坐  
汎流羽天光水色何溶溶遠峯隱見多明滅殘霞飛丹  
手可掇此時林壑暝色來呼酒彈琴望雲月月上青山醉  
若何臨流垂手挹素波且歌白石吟淶水紅塵萬事空

蹉跎旭日高林送客子清風四面松聲起市橋一出到  
人世武陵桃花空流水

嶧山歌

岱宗海上來西塞中條路東南數峯青未了凌波欲涉  
長河去似斷不斷走勢迴結作芙蓉掌上開青冥浩蕩  
何年裂平地湧出金銀臺名山固多奇此山奇欲絕纍  
纍萬古石谿砮成竇穴落星不到地累丸不到天懸圃  
亦已碎羣玉亦已顛金華妝兒何婉孌一入紫煙不復

返世人誰者叱羣羊坐看蹄角生苔蘚人行石中何盤  
珊十步九折穿嵌巖顧見雜花開綺繡又聞淙淙泉水  
聲鳴環千峯冥密萬壑逼日光時向天窓滴深林已盡  
鳥不鳴攀緣猶訪白雲迹白雲在天何時還洞門石扇  
開重闕五花峯頭一騁目飄如乘虹駕鶴飛出天地間  
但聞長風颯颯萬里至使我四顧清心顏君不見滄海  
桑田年歲改秦皇片石今安在萬騎千乘化作灰河聲  
依舊東流海沈吟此事思欲飛擊節高歌淚滿衣空憐

世上浮沈子白首紅顏何所歸

前贈李本寧歌

一別十五年再別十二春人生百歲苦不滿可堪幾作  
別離人前年君入蜀為李醉歌為陳哭酒挹玉華山色  
青淚灑嘉陵江水綠去年君入越曾訊朱公訪禹穴邀  
歡又作湖上吟沈侯細腰可已折今年君向燕京遊千  
騎朱衣唱八驪道旁忽問魯狂叟半夜停車南陌頭我  
病伏牀君坐膝呼兒出酒陳曲室相看如夢燭影殘屈

指良遊話夙昔我年多君兩歲強君頭如漆我如霜浮  
沈聚散不盈昔回首萬事空茫茫北風吹雪角曉寒車  
帷欲裂嘶馬酸莫言歲晏別離苦更有時危道路難知  
君詞賦滿人口六符鼎足多故友君王倘復問同時舊  
日歲星人識否

後贈李本寧歌

李君李君汝今坎壈何甚哉七命藩臣二十載朝天又  
奉除書迴憶昔蓬萊開內院翩翩二九凌霄漢大者為

相小乃卿君乎鍛羽來何晏當代詞場論作者君及江東兩司馬誤殺人間白眼兒輕言侍從無風雅一去承明閱歲年秦梁蜀越多遭延道高不容豈有以異哉造物操微權我聞柱下之裔多才子白也飄零賀折死今日得君而三矣君今不夭復不賤又無留滯安有此李君李君為我楚舞我為君歌歲云暮矣將如何天生豪雋必有用如君不信長蹉跎涇水一斗泥化為一斗穀清者受其名濁者食其福翹翹常不足碌碌常有餘人

者歆其實天者寶其虛請君還我凌雲筆我還君家祿  
萬石

五大夫松歌為劉博士元陽賦

爵名五大夫其數不必五何知非二松屑屑為之補二  
松五松俱莫論秦人已沒沙丘魂金椎馳道迹如掃此  
中惟有松枝存我觀此松顏色古幹如虬龍質如土鱗  
棲鶴舞幾千秋猶憶當年巖畔雨自有此山即有松百  
木之長五嶽宗秋聲不斷天門路海氣長懸日觀峯亦

不為封榮亦不因封辱興亡閱盡總無情何況區區小  
除目濟北劉生達者流題詩舊向松間遊歲寒豈欲聯  
三友道遠還因寄四愁君為博士掛冠早松號大夫今  
欲老浮名夢幻兩茫茫不須苦作秦松考

瀛海仙人歌為任丘劉翁雙壽賦

君不見碣石高懸海上臺九河之水崑崙來一入淮陽  
五百載地靈猶向瀛州開瀛州雲氣何超忽北拱漁陽  
連漢闕赤畿總號帝王州瑤堂別有神仙窟仙人碧髮



更方瞳天姥霓衣出閭風臺上時騎雙彩鳳壚邊共跨  
兩茅龍當年自種藍田璧瑤草琳華堂下植學士絲綸  
接上台中丞節鉞通南極寧親暫許帝師旋幾道封函  
降自天上食分將仙禁酒舞衣攜得御爐煙七十已稀  
况八九如此齊眉古未有蓬萊謾道棗如瓜度索虛傳  
桃似斗嗟乎仙人誰與儔瀛州平地是瀛洲從今歲月  
真多少海水還成淺碧流

壽封君邢翁九十長歌

翁年七十八十時我曾兩度為祝辭今翁算十復過九  
我辭三祝翁許否濟南古有九十人轅生伏生席上珍  
轅生為郎官不進伏生授女口不真翁今有官復有子  
方瞳綠髮身著紫江南辭客久停毫惆悵山東邢柱史  
片紙真同片玉看雞林傳寶出長安書法妙入鍾王室  
騷命卑陵屈宋壇蒼梧碧竹復不少何言玉山與瓊島  
人生百歲苦多愁如翁千齡顏更好涕園東望是蓬瀛  
清淺當年幾度經自是秦階多景瑞珠躔已現老人星

漁陽老將行為郭總戎建安賦

漁陽老將名家子少日趨庭弄文史操觚屢試不見收  
投筆悲歌辭故里桂玉蕭疎客帝城游談無術致公卿  
煙塵正滿漁陽道挾筴還為塞上行爾時戚侯鎮北土  
七校屯營開幕府江南劒客擁轅門若個驍雄健如虎  
將軍自臂六鈞弓玉帳分符細柳東新降部落連青海  
見菜亭臺跨遠空薊門論守不論戰十年左角無傳箭  
一朝碣石見桑田臺上黃金顏色變歸與彈鋏罷登壇

手挽虹霓上釣竿東征西討年來事笑踞松根白眼觀  
西京有班今有郭文武聲華何磊落君家難弟定遠兄  
一片燕然銘再鑿聞君矍鑠壯不如八十欲近七十餘  
還看世業青雲遠盡出蘭臺舊著書

夜雨呈候吳郎

城南學作灑西屋炎天試借吳郎宿不知有何光怪發  
一夜蛟龍怒相逐雨聲徹旦雷聲奔列缺不斷高空痕  
崩濤萬壑吼萬馬此時已鬪孤亭根為客睡眠不曾著

遣涉滂沱問安樂莫將風物動鄉愁且覆青州銀鑿落  
吳郎歌送翁晉北遊京師

舊知吳郎名不識吳郎面長帆忽卷大江雲炎風五月  
來相見披衣倒屣開我關舉杯熟視成潺湲身如海鶴  
目巖電恍然再對吾師顏謂我垂髫稱國士于今垂白  
棲空山生死淒涼知已報南望其如路阻艱吾師當日  
詩名起後駕方稱王與李庭前秀出瓊樹枝復向騷壇  
執牛耳源泉萬斛瀉胸中風雨千重飛筆底能以遺形

貌古人還將學步嗤餘子白眼情知禮法疎神心不受  
風塵滓北遊一泊汶陽船小穀城東寄數椽幾回瞋色  
來新漲幾夜秋聲聽早蟬仰天擊劍舍我去又向長安大  
道邊昭王臺畔金精柱鄒衍宮前海氣懸弔古應歌明  
月塞憂時欲賦帝京篇江南才人滿人口目中如君不  
數有有衣莫染洛陽塵有錢莫買新豐酒漢廷公卿多  
世交燕市屠沽非素友君王正起通天臺子虛上林出  
君手男兒七尺遇有時安得竒才長不偶歸來為我一

掃岱峯雲夜看海中赤丸跳如斗

穀城山館集卷五



欽定四庫全書

穀城山館集卷六

明 于慎行 撰

五言律詩

唐體樂府附

出塞

萬里關山道蒼茫玉塞秋沙飛晴作雨霧結旦成樓羌  
管霜前怨胡笳月下愁酬恩懷一劍端不為封侯

入塞

度漠滅天驕歸來意氣豪  
霓旌回瀚海羽蓋指臨洮  
少婦迎珠勒親兵賜錦袍  
勲多明主記不解假錢刀

君馬黃

寶馬來西極龍閑服上箱  
浮雲金勒影飛雪玉珂光  
骨凍長城水蹄翻大漠霜  
美人天路遠祇覺壯心傷

戰城南

塞北朝傳警城南夜合圍  
旗翻明月暗劒落曉星微  
朔氣聲刁斗邊霜卷鐵衣  
橫行期萬里酣戰不知歸

巫山高

巫山峰十二縹緲倚層空  
細雨猿聲外輕雲鳥道中  
江流巴子國月出楚王宮  
舊館今何處茫茫夢不通

隴頭吟

隴頭流水別淒響自堪驚  
月散東西影風傳遠近聲  
傍侵疏勒道斜入隗囂營  
嗚咽歸腸斷何時到渭城

上之回

離宮陳上郡御輦出回中  
七校長楊北千官細柳東  
旄

頭懸塞月漏箭雜邊風却望單于幕蕭條萬里空

長安道

晨光開紫陌春氣耀丹霞月落新豐樹烟籠上苑花金  
羈京兆馬繡轂富平車俠少逢何闊相過趙李家

洛陽陌

東都佳麗地共指鬪鷄坊挾彈妖童騎當壚小婦粧柳  
花金谷暗槐影玉溝長愁望飛塵起驕駟赭汗香

折楊柳

朱樓臨大道垂柳正依依  
葉淺低愁黛花輕上舞衣  
三河春欲盡五嶺戍初歸  
何地應腸斷關前雪正飛

關山月

三五關山月天空萬里秋  
影含青海動光度玉門流  
曉角傳軍壘寒烽隱戍樓  
陰山方接戰且莫視刀頭

梅花落

腸斷金閨婦愁生畫閣梅  
瑤華風裏落玉樹雪前開  
拂影侵羅袂飄香上鏡臺  
關河春色暮鶴勒幾時迴

雨雪

陰山征戰地雨雪夜霏霏凍縮胡兒馬寒凝漢將衣范  
恭疎勒返蘇武漢南歸頗怪關門柳春前作絮飛

長干曲

妾住在長干離居歲欲闌洞庭歸客少浦口去人難雨  
落吳天暮雲橫楚岫寒含情何所待憔悴碧江湍

江南曲

采采白蘋洲蘭橈憶遠遊日懸雲夢濶天隔洞庭秋風

物三相道烟波萬里愁  
離居逢歲宴掩涕倚重樓

紫騮馬

寶馬蹀臯蘭紅塵撲繡鞍  
追風珠汗落踏雪玉蹄寒  
北地春方澀長城凍未乾  
一鳴思報主不取按圖看

送陳春守太史冊封楚藩二首

遥遥江浦去望望洞庭西  
擁傳過三楚乘槎入五溪  
潮平津樹杳天闊浦雲低  
想見花源裏漁家路不迷  
持節金閨客星華並列侯  
遙分鸞掖色一作兔園遊日

暮湘潭雨天寒夢澤秋  
豈應歌故里白雪少人酬

送張洪陽太史請急南還

寧親承予告秋盡理行裝  
橐載蘭臺筆衣殘粉署香酒  
邊燕月近帆外楚天長  
舊識張華劔寒鋒起豫章

寄送朱可大南還

自別春湖去音書已隔年  
所嗟千里夢常在五雲天  
雨色維揚樹江聲北固船  
經過多逸興佳句向誰傳

同李前峰兵部趙竹里文學集侯氏東墅信宿二首



十載談經地重來徑已荒野花含宿雨秋草上空墻客  
送新醅酒樓懸舊臥牀曉涼憑檻立山色四蒼蒼

故人復此地不醉欲如何世事杯中盡年華鏡裏過孤

雲留閣樹殘日掛烟蘿惆悵王孫去門前芳草多

時侯  
允少

泉從軍  
塞上

少虛趙丈見過二首

上客回高駕過予松桂林題詩白雲暮對酒飛花深遠  
樹浮殘雨高城下夕陰草玄芸閣吏寂寞此時心

經春猶臥病長日掩衡門豈謂山陰棹能尋谷口村世  
情雙白眼生事一青尊不淺忘年契千秋事可論

雨中舟行

天闊雨冥冥孤帆過驛亭雲吞江樹白霧失曉峰青岸  
鳥迎船濕河魚出網腥生涯多少恨無處異飄萍

夜泊有懷

月白夜將闌潮平兩岸寬倚舟人語靜過雨樹聲寒戍  
鼓城隅覓船燈水際看所期江路迥何處采芳蘭

天津觀潮

六月天山雪寒濤亦壯  
哉聲疑吹地轉浪莫蹴  
天開估舶迎風住漁舫  
弄水迴方聞通海運萬  
櫓日邊來

泊潞河驛

行盡燕齊道來從上國  
遊飽經湖上雨寒泊驛  
邊舟朔氣雄三輔關門  
控九州五陵十萬戶夾  
岸起朱樓

哭沈虹臺太史二首

故人忽云沒聞報涕汎  
瀾今日吳江冷當時易  
水寒青

編門下受丹旄路旁看夜雨玄猿嘯浮生夢已闌  
思君不忍問河上返孤舟豈是懷沙怨應非蹈海遊花  
殘吳苑暮鶴唳月亭秋腸斷論交地宮城十二樓

雨

城夕涼風起空堂颯似秋片雲生遠岫驟雨過重樓暝  
色階前樹寒聲峽外舟鷗鳧何自喜汎汎滿清流

告天臺為趙澱陽太史賦

邈矣高賢操清風華胄傳畏知嚴暮夜考履質青天國

史千秋在家聲異代懸只今臺上月猶照舊爐烟

題畫

黯淡秋湖色涵虛望渺然斷橋橫落日遠水出寒烟雁  
向平沙落鷗依折葦眠吾家住湖上閒殺采菱船

夏日偕張洪陽殿讀憩龍華寺寺在苑北湖上  
同過湖上寺伏日坐清涼雲水浮仙闕松杉蔭講堂雨  
歸蓮葉淨風起稻花香小借支公榻人天午夢長

夏日進講和張洪陽年丈韻

秉燭趨丹禁橫經侍法筵  
曉涼生殿閣旭日動雲烟  
珮委天香散花深玉漏傳  
非材慙獻納鵠立細旃前

喜雨

春來全未雨一夜雨成霖  
觸石何時聚崇朝已自陰  
錦林花氣重金闕漏聲深  
潤澤占天造殷憂慰聖心

七夕

客中逢七夕片月倚重樓  
靜對星河夜涼生枕簟  
秋人間渾是夢天上亦多愁  
覽鏡驚雙鬢空悲歲序流

秋夜

虛閣夜沉沉秋聲在樹林中  
猿鶴夢客裏歲年心露  
下蓮塘冷螢流薜幌深坐來銷萬籟隱几自成吟

送懷上人還金陵

空門無所住亦復憶江鄉  
半偈禪心定孤舟別路長  
錫飛吳葉冷筆拂楚花香  
又向秋山裏鐘聲閉夕陽

送張靜峰年兄赴河南別駕二首

十年南省客半刺領東周  
馬向雪中去人稱洛下遊  
關

河三輔道雲物二陵秋別思還蕭索寒塘水自流  
承寵無違暮褰帷意氣生諸侯均揖讓長更有逢迎郡  
閣山當戶河橋柳向城三川風日好偏適宦遊情

送李敏齋符卿奉使省覲

只今三省佩又下五城樓薊北霜初落淮南桂已秋宮  
雲隨子舍卿月引行舟可奈河橋柳年年綰別愁

送鄒進士南臯謫戍貴陽二首

自憐焚草日却送看花人迢遞三危路飄零萬死身長



沙悲賈傅湘水弔靈均總是經過地將誰采白蘋  
網常千古事憐爾志如霜首欲階前碎珠憑領下藏有  
生心盡折縱死骨猶香不似青蓮客無端謫夜郎

送習豫南太史謫居閩中二首

渺渺寒江路君今歲晏遊十年池上珮萬里雪中舟仕  
節人誰識浮踪水自流含情無可道不獨為離憂  
對酒不能飲心悲握手論如何同舍客忽作遠遊人世  
態青雲冷交情白首新還知明主意宣室待詞臣

應制題畫四首 有序

萬曆戊寅正月上出內府畫冊二十六幅命  
日講六臣分題奏上各賜銀豆一包時同事  
者宮詹吳門申公宮諭信陽何公宮洗新都  
許公宮贊武陵陳公翰撰南充陳公也予分  
得四題如左

雪景

輕綃寒色動不是月華開鳥道千巖迴江光一徑迴虛

無分玉樹彷彿想瑤臺未擬歌黃竹陽春遍九垓

烟雨

瀟瀟一幅上秋氣滿楓林半似隨風引全疑夾霧陰遠  
峰看處暝踈樹望來深筆底烟雲色爭知用作霖

宣廟御筆汀鳥

筆端成大造海鳥若相忘暮雨汀莎濕春風岸芷香柳  
邊迷落絮雲裏帶飛霜總為經天藻長留羽翰光

鶴鷄

渺彼榆枋翼丹青畫作真靜眠宮草日閒傍苑花春顧  
影驕金距逢場上錦茵非同珠樹鳥獨用羽毛珍

寄馮志方博士二首

一別褒衣客今來幾歲星吳鉤知射斗魯壁記傳經對  
酒春雲碧題詩暮雨青向時遊賞地南北各飄萍  
幽人渺何許江上舊儒冠客舍蒹葭雨堂食苜蓿盤楚  
天秋水濶燕闕曉鐘殘懷袖雙紈扇因風欲寄難

張洪陽殿讀待舟路渚寄送二首

昨日橫門道魂消鬢欲秋寸心應未遠尺素已堪愁對  
酒青燈醉看花紫禁遊離情如潞水連夜只東流  
歸夢春來劇那堪送遠遊身懸蝸左角家在海西頭天  
地才難盡風塵道不謀河隄楊柳綠亦欲買歸舟

暮春同朱可大廷尉遊摩訶菴聽無絃上人彈  
琴因飲南園二首

福地開真境蕭辰款梵筵百花春夜雨一飯講堂烟妙  
法旃檀喻空音綠綺傳雲牀容臥起隨意檢詩篇

別有祇園勝春光象外幽人從蓮社飲地勝竹林遊雨  
色陰蘿幌鐘聲度石樓不愁歸路晚乘月可淹留

告中同可大再遊摩訶菴因贈靜堂禪師

寺憶同遊地聯鑣許再過人行松院少雲閉竹房多歲  
月容高枕乾坤足放歌逃禪吾不厭病骨本維摩

寄庠師周介軒先生二首

傳經西楚客垂老意何如湖上十年夢燈前八月書秋  
心隨過雁舊事紀街魚門下垂髻士脩脩兩鬢疎

望望徐方道懷人白露秋湖光晴載酒山色暮登樓倦  
迹看林鳥閒情寄海鷗紅顏殊未老欲接羨門遊

秋日寄侯少泉參戎黔中二首

萬里天南極將軍尚枕戈一醒燕市酒五見洞庭波霧  
急鳶常墮江深雁不過東山樓隱地何日共烟蘿

自爾烏蠻去寒花幾度開萍踪兒女大華髮歲時催別  
夢隨關月離愁落隴梅年年秋色裏一見尺書來

贈談易王生

金少正  
卷六  
脩然江上客讀易舊儒生道自青囊秘名因綠簡成漢  
京談季主蜀肆隱君平為叩盈虛理因探百物情

春半

臥病忽已久閑房鳴素琴徘徊紫芝意惆悵青春深芳  
草亂迷徑殘花空滿林憑軒送高鳥馳思渺難任

望鶴

縹緲珠庭鶴翻飛別禁林初盤仙闕遠漸入海雲深忍  
負乘軒寵應非避弋心瑤臺多舊侶愁絕玉笙音



河西務雨夜

歸舟今信宿猶倚潞河干樹色春汀暗鷄聲夜雨寒孤  
帆燈際落短劔酒中彈明發乘流進滄波正渺漫

灤縣道中

江草正萋萋蘭橈傍古堤淡烟高樹杪斜日亂帆西隴  
麥蒸雲動春鳩夾岸啼連朝隔城市疑入武陵溪

天津夜月

放舟乘晚浪伐鼓注歸流明月千帆夜長風萬里秋篙

師探渡口津吏指潮頭浩蕩煙波裏應憐估客遊

楊柳青道中

鳴榔凌海月換舵破江烟楊柳青垂驛蘼蕪綠刺船笛  
聲邀落日席影掛長天望望滄洲路從茲遂渺然

德州舟中遇李戶部兩山北上別後却寄二首

廣川西渡口倚棹此逢君別久情難喻歡多酒易醺江  
聲過暮雨帆影夾殘雲躡躡南枝鵲能堪羽翮分

君登蘭省去予汎鏡湖歸兩槩還相背雙星竟不違心

期鷗作侶生事薛為衣只有空山夢愁時少雁飛

武城懷古

東郡武城乃平原君舊邑世謂言游所宰誤也

停橈齊趙路河上見孤城故國佳公子高臺亦已傾川  
光孤嶼斂暝色片雲生嗚咽清漳水千秋恨未平

臥病

天地長貧日風塵臥病年閉門春雨後欹枕落花前石  
火應難駐蘭膏莫自煎無生如可悟吾意欲逃禪

菊花

幾年京洛客不對故園花今日重陽酒還過處士家娟  
娟霜蓋靜裊裊露枝斜自愛貞心苦含香閱歲華

輓趙少虛先生四首

去矣雲林客傷哉藝苑豪百年雙白鬢萬事一青袍道  
自平生拙名堪此日高所悲逢聖世汨沒掩蓬蒿

文雅從茲盡榮華亦有休吾徒還一涕爾輩自千秋舊  
館青山暮重泉白日幽惟餘清汶水長繞墓田流

十里春風苑年年出漢關調空高淥水俗自薄朱顏星

彩歸天上玄經播世間  
乞銘遺札在一讀淚潺湲  
浮沉千古事無力念鴻鈞  
陵替存吾道窮愁竟爾身  
馮唐空自老原憲不知貧  
他日山陽路誰為笛裏人


寄賈廣文年伯兼謝惠羶

極目漳南道相思正杳漫  
愁時明月近別後素書難  
雪暗芙蓉閣春生苜蓿盤  
一羶猶寄遠應惜玉堂寒

送林文內艱南還二首

慘淡歸人意春前問去舟  
參商初兩地膠漆已三秋  
雨

色低津樹江光隱驛樓庭花多所恨不是錦衣遊  
把袂憐同舍離愁可奈何定知秋雁少惟有月明多江  
上思瓊樹風前廢蓼莪無令清夜夢不入舊鸞坡



穀城山館集卷六